

之於自然天地之於萬物聖人之於萬民皆然也天地運一
氣生養萬物生者自生殺者自殺以任其自然心普萬物而
無心也聖人運一心教養百姓安其分樂其業富貴貧賤聽
其自然以天地之心爲心也故知天地者乃無心之聖人聖
人者是有心之天地也橐籥虛中之器有鼓納闔闢之機惟
虛故能納而爲橐籥之體故動則生風而爲橐籥之用以其
中虛故能生氣所以噓之而不屈愈用而愈有也夫道不可
以言求也不可以數窮也若以言語象數求之則愈求愈遠
愈窮愈繁不如默然忘言如橐籥中虛寂然中泊然一圓常
之妙於茲可見烏可多言也哉孔子曰予欲無言天何言哉

道藏輯要

道德上經釋辭

七

心集九
×リ

四時行焉百物生焉卽此意也

谷神不死章第六

谷神不死是謂玄牝玄牝之門是謂天地根綿綿若存用之不
勤

谷者虛也神者性之靈也谷神者虛寂不神之神也不死者
謂不昧其機也然此真機虛寂有靈故稱妙有有而無相假
名真空妙有真空玄牝根宗由是知之玄者虛靈之妙也牝
者竅也這箇虛靈玄竅闔闢元氣體性圓通爲生化之本在
人身天地之正中是造化根宗性命淵源實天地交界之所
陰陽混合之處水火交媾之鄉凝結聖胎之地精神魂魄皆

聚於此自古神仙修煉內丹皆在此處所謂玄關一竅是也
門者言天地萬物皆從此虛靈玄竅中出也這箇虛靈玄竅
總括眾妙道所從出天地從生故曰天地根也綿綿者相續
不絕之意不間斷之謂也若存者恍有惚無莫能定見似存
非存之謂也用之不勤者虛心無爲而已虛心而神自返也
無爲而氣自復也神返氣復吾身之玄牝立矣由是知之谷
神不死者虛心養神之喻言其體也玄牝之門者陰陽闔闢
之喻言其化也綿綿若存用之不勤者志意不分之喻言其
用也此言虛心養神神得其所養而返於心心不外馳而氣
自還於身身心妙合神氣歸根結成大藥謂之還丹乃不死

道藏輯要

道德上經釋辭

八

心集九
X611

之道也故必用志不分沖和抱一綿綿續續以用之優游以
養之不可著之於有不可失之於無不可以有心守不可以
無心求以有心念之則非妙有以無心忘之亦非真無惟相
見於混沌杳冥之中相接於恍惚虛無之內無中不無乃見
真吾亦不知其所以爲吾噫惟無心者則能見其真吾盡性
者則能知其真吾此章玄奧爲金丹鼻祖豈易言哉而迷人
遽言之者蓋亦不得已也蓋傷仙道二百載寥寥也

天長地久章第七

天長地久天地之所以能長且久者以其不自生故能長生是
以聖人後其身而身先外其身而身存以其無私邪故能成其